



# LOVDATA

## Forskrift om politivedtekt, Nissedal kommune, Telemark

|                |                                                           |
|----------------|-----------------------------------------------------------|
| Dato           | FOR-2011-02-04-118                                        |
| Publisert      | II 2011 hefte 1                                           |
| Ikrafttredelse | 04.03.2011                                                |
| Endrer         | <u>FOR-1950-02-13-4181</u>                                |
| Gjelder for    | Nissedal kommune, Vestfold og Telemark                    |
| Hjemmel        | <u>LOV-1995-08-04-53-§14</u> , <u>FOR-2000-11-16-1151</u> |
| Kunngjort      | 10.02.2011 kl. 14.25                                      |
| Kortittel      | Forskrift om politivedtekt, Nissedal                      |

---

### Kapitteloversikt:

Kapittel I. Allmenne føresegner (§§ 1 - 2)

Kapittel II. Orden på offentlig stad (§§ 3 - 5)

Kapittel III. Sikring av ferdsla (§§ 6 - 14)

Kapittel IV. Reinhold på offentlig stad (§§ 15 - 17)

Kapittel V. Hindre tilgrising (§§ 18 - 19)

Kapittel VI. Offentlege anlegg (§20)

Kapittel VII. Dyr (§21)

Kapittel VIII. Arrangement på offentlig stad mv. (§§ 22 - 24)

Kapittel X. Ymse føresegner (§§ 25 - 27)

---

**Heimel:** Fastsett av Nissedal kommunestyre 28. oktober 2010 med heimel i lov 4. august 1995 nr. 53 om politiet (politiloven) § 14. Stadfesta med nokre endringar av Politidirektoratet 4. februar 2011, jf. lov 4. august 1995 nr. 53 om politiet (politiloven) § 14, jf. delegeringsvedtak 16. november 2000 nr. 1151.

## Kapittel I. Allmenne føresegner

### § 1. *Offentleg stad*

Med offentlig stad er i denne vedtekta meint gate, veg, her medrekna fortau, stig, park, torg e.l., plass, bru, bryggje, kai, strand, anlegg eller annan stad der det er allmenn ferdsle eller som er bestemt for allmenn ferdsle.

### § 2. *Festar, brukar, leigar eller styrar av hus eller grunn*

Dei plikter som er lagd på eigar av hus eller grunn, kviler også på den som festar, brukar, leiger eller styrer hus eller grunn.

## Kapittel II. Orden på offentlig stad

### § 3. *Ro og orden på offentlig stad*

På eller like attmed offentlig stad må ingen vere med i oppstyr, samanstimling, larm eller bråk som uroar den allmenne orden eller ferdsel.

Når mange menneske samlar seg nær inngang til forsamlingslokale, sports plass, utsalsstad, stoppestad e.l., skal dei stå i kø og elles rette seg etter dei pålegg som politiet eller arrangøren gjev for å halde oppe den allmenne orden eller for å regulere ferdsla.

### § 4. *Song og musikk, reklame m.m.*

Den som på eller ut mot offentlig stad vil føre fram song eller musikk, skipa til framsyning eller gjere bruk av høgtalar, må på førehand gje melding til politiet.

Det same gjeld den som på eller nær offentlig stad ynskjer å dele ut eller spreie opprop, lysingar, reklame e.l., eller bruke gåande, køyrande eller flygande reklame. Også den som vil stå for innsamling på eller i nærleiken av offentlig stad må senda melding til politiet.

På offentlig stad må ingen utan løyve frå politiet gje tilbod om tenester.

### § 5. *Farleg eller skremmande verksemd*

På, ut over eller like attmed offentlig stad er det forbode:

1. å skyte med gevær eller anna skytevåpen eller med boge o.l.
2. å brenne av krut, fyrverkeri eller sprengstoff utan at politiet har gjeve løyve. Så fremt det kan være fare for brann og/eller eksplosjonsfare skal politiet innhenta uttale frå brannsjefen.
3. å kaste eller sleppe stein, snøball eller anna som kan vere til skade eller ulempe for dei som ferdast der.

## Kapittel III. Sikring av ferdsla

### § 6. *Hindringar*

På eller ut over offentlig stad er det forbode å setje eller hengje noko som kan vere til hinder eller ulempe for ferdsla.

Markiser skal vere festa så høgt at underkanten minst er 2,5 m over bakken.

## **§ 7. Sport, leik**

Politiet kan sette forbod mot aking og andre former for sport, leik eller spel på bestemt offentlig stad der dette er påkravd av omsyn til ferdsla eller den allmenne orden.

## **§ 8. Sperring av fortau mv.**

Krev byggjearbeid e.l. at gate, veg eller annan offentlig stad vert heilt eller delvis sperra for ei avgrensa tid, lyt ein på førehand søkje løyve frå politiet. Politiet kan setje nærare vilkår for løyvet.

## **§ 9. Sprengingsarbeid**

Sprenging på eller like attmed offentlig stad skal meldast til politiet på førehand. Politiet kan krevje særlege tryggingstiltak.

## **§ 10. Diverse arbeid**

Reising, riving eller reparasjon av bygning, graving eller anna arbeid på eller ut mot offentlig stad der det kan bli fare for ferdsla, skal på førehand meldast til politiet. Politiet kan fastsette korleis arbeidsstaden skal sperrast og krevje andre tryggingstiltak til vern for publikum.

## **§ 11. Vedlikehald av bygning mv.**

Ved vedlikehald av bygningar mv. på eller ut mot offentlig stad pliktar den ansvarlege for arbeidet å setje opp markeringar som gjer det tydeleg at det er farleg eller til ulempe å ferdast der.

## **§ 12. Avvisarar**

Når det er fare for at snø eller is kan falle ned frå hustak mot offentlig stad, skal eigaren straks sette opp avvisarar som gjer det tydeleg at det er farleg å ferdast der, og snarast syte for at taket blir rydda.

## **§ 13. Fjerning av sperrar**

Sperringar, avvisarar, stigar e.l. må takast bort når arbeid som nemnt i § 9, § 10 og § 11 er gjort eller når faren som er nemnt i § 12 ikkje lenger er til stades.

## **§ 14. Ferdsle på frose vatn eller sjø**

Politiet kan av tryggingssgrunnar sette forbod mot eller gje regulerande føresegner for ferdsle på vatn eller sjø som er frose.

## Kapittel IV. Reinhald på offentlig stad

### § 15. Lys- og luftegraver

Eigar av hus eller grunn mot offentlig stad pliktar å gjere reine lys- og luftegraver som er knyta til eigedomen.

Reinhaldet skal gjerast slik at det vert til minst mogeleg ulempe.

Oppsop e.l. må ikkje leggjast i kloakksluk.

### § 16. Takras

Eigar av hus eller grunn mot offentlig stad pliktar å rydde fortauet utanfor eigedomen for snø og is etter takras.

### § 17. Avløp for vatn

Eigar av hus eller grunn mot offentlig stad skal sørge for at avløp for vatn i fortau, rennestein, grøft e.l. vert halde ope.

## Kapittel V. Hindre tilgrising

### § 18. Hindre tilgrising o.l.

På, ut over eller like attmed offentlig stad er det forbode:

1. å kaste glas, flasker, spikar, papir, fruktskal eller anna avfall,
2. å grise til med måling, oljeprodukt, tusj, sprayprodukt e.l. på noko overflate mot offentlig stad, under dette på eller ved bygning, gate, veg, park, anlegg, innretningar og framkomstmiddel,
3. å henge opp kunngjeringar, plakatar e.l. utan at politiet har tillate dette.

Dette gjeld likevel ikkje oppslag på tavler e.l. som kommunen har godkjent til slikt bruk, eller oppslag på eigedom om tilhøve som berre høyrer eigedomen til eller næringsverksemda til dei som bur der.

Det er forbode å rive, skade eller skjemme oppslag som er lovleg sett opp.

Oppslag skal fjernast når dei er forelda.

4. å urinere.

### § 19. Avfall

Den som driv med sal frå portrom, kiosk e.l., eller som driv anna liknande næringsverksemd på eller ut mot offentlig stad, skal syte for at området ikkje vert skjemt eller skitne til av verksemda, og pliktar å syte for at det blir sett opp mange nok korgar for papir og avfall, og pliktar dessutan kvar dag etter at forretningstida er slutt å få vekk frå fortau og rennestein avfall som skriv seg frå verksemda.

Den som arrangerer tilstelling på offentlig stad, skal syte for at papir og anna avfall blir fjerna etter arrangementet, kvar dag dersom arrangementet gjeng over fleire dagar.

## Kapittel VI. Offentlege anlegg

## **§ 20. Kyrkjegard**

På kyrkjegard er det forbode å sykle, ake eller å drive sport, leik eller anna som ikkje sømer seg der. Det er forbode å trengje seg inn på kyrkjegard når den er stengd for besøk.

## **Kapittel VII. Dyr**

### **§ 21. Husdyr m.m.**

Sirkusdyr eller ville dyr må ikkje forast på offentleg stad utan løyve frå politiet.

## **Kapittel VIII. Arrangement på offentleg stad mv.**

### **§ 22. Søknadsplikt for arrangement på offentleg stad**

Den som på offentleg stad vil lage til arrangement som i hovudsak er av underhaldande, kunstnerisk, selskapeleg eller kommersielt slag, som har ein storleik som opplagt vil føre til behov for omfattande reguleringar av ferdsla eller vakthald, må søkje om dette innan ein frist som politiet set. Politiлова § 11 gjeld tilsvarende.

### **§ 23. Meldeplikt for allment tilgjengelege arrangement utanfor offentleg stad m.m.**

Den som vil lage til eit arrangement som er allment tilgjengeleg, må senda melding i god tid til politiet. Dette skal gjerast sjølv om arrangementet ikkje går føre seg på offentleg stad, når det er truleg at det vert naudsynt med polititilsyn for å sikre ro og orden eller avvikling av trafikken på grunn av storleiken på eller karakteren av arrangementet.

Plikt til å melde frå gjeld og samkome med dans eller anna tilstelling som i hovudsak er av selskapeleg eller underhaldande art for medlemmer av ei foreining eller liknande samanslutning.

Politiлова § 11 gjeld tilsvarende.

## **Kapittel IX. Born**

### **§ 24. Offentleg dans e.l.**

Born under 15 år har ikkje tilgjenge til offentleg dans eller liknande allment tilgjengeleg tilstelling utan at dei er saman med foreldre eller andre føresette. Politiet kan likevel i visse høve gjera unntak for arrangement med ei nedre aldersgrense på 13 år og med minst ein vaksen (myndig) person til stades med ansvar for tilskipinga, som må vere slutt seinast kl 23.00.

## **Kapittel X. Ymse føresegner**

### **§ 25. Forsøming av plikt**

Forsømer nokon å utføre det vedkomande har plikt til etter vedtekta eller etter pålegg gjeve med heimel i vedtekta, kan politiet på vegne av vedkomande setje dette i verk. Den som har forsømt pliktene må dekkje utgiftene.

**§ 26. Straff**

Brot på vedtekta eller pålegg gjeve i medhald av vedtekta, vert straffa etter politilova § 30 nr. 4, om ikkje tilhøvet kjem inn under strengare straffepåbod.

**§ 27. Iverksetjing**

Denne vedtekta tek til å gjelde 1 månad etter at ho er stadfest av Politidirektoratet.

Frå same tid blir forskrift 13. februar 1950 nr. 4181 om politivedtekt, Nissedal kommune, Telemark oppheva.